

 BIBLIOTHECA UNIV. JAGELL. CRACOVENSIS	585879	
Mag. St. Dr.	I	



THE PIERPONT MORGAN LIBRARY  
NEW YORK



19471  
VERITAS  
BONÆ VITÆ,

EX  
OCCASIONE

Occupatæ Hæreditatis Jaroslauiensis,  
Patribus Societatis

Demonstrata

per

Joannem Marchievicz, J. V. D.  
Cracouiensem, Varmiensem Canonicum,  
Præpositum Tarnouiensem.

PARISIIS,  
ANNO M. DC. LXXI.



585879

I

Bibl Joo  
St. Dr. 1997 D 1496/19(53)



# SACRÆ REGIÆ MAIESTATI,

Dno, Dno & Patrono meo Clementissimo,  
Felicitatem !

**N**isi scirem, Excellentissimos & Celsissimos  
titulos Ducales, Ostrogij, & Jaroslauia,  
tanquam hæreditarios, nuper ad M.V. per-  
tinuisse, non auderem nunc Clementissi-  
mum Patronum, & Benefactorem meum,  
iam ad maiora per Dei gratiam euectum, interpellare,  
eiusq; Protectioni hanc Veritatem Bonæ Vitæ dedica-  
re. Movit me legitimis Hæredibus, (quibus M.V. bene-  
vult) illata iniuria, & inde subsecuta Reipubl. querela,  
quod Servitium Bellicum Bono Publico depereat per  
alienationem Bonorum terrestrium, & vel maximè Du-  
calium, quorum Excellentissimi Possessores, Reipub. &  
Ecclesiæ semper fuerunt Antemurale, fortissima sua pe-  
ctora hostibus opponentes: inter quos, nostrâ memoriâ,  
Celsissimus Princeps M.V. parens, semper fuit primarius  
Dux, & Antesignanus. Nunc sui Commilitones, eorum-  
que Heredes, in maiori parte Possessionum suarum iac-  
tura passi, non tam moleste ferunt, quod (Deo per-  
mittente) hostiles imperus abstulerunt, quàm quod Pa-  
tres Soc. per simplicitatem faminei sexus, occupaue-  
runt. Jam semel Romæ hæc inconuenientia propone-  
re, &



re, & à S. Sederemedium postulare fui paratus; ab Excellentissimis Principibus Lubomirskijs, & Principe Zamoscio, illuc ad hunc effectum ablegatus: sed clandestinè, & artificiosè, falsis criminibus insimulatus, sine ullo processu ad carcerem Romanum detrusus, in eoq; per Sex Menses detentus, negotium Reipub. & Ecclesiæ nostræ salutare, non potui perficere. Ne iterum, ex falsa informatione, similia, aut maiora grauamina, propter Veritatem Bonæ Vitæ, mihi contingant; ad Protectionem M. V. Patroni & Benefactoris mei Clementissimi, supplex confugio. Non id voti mihi est, vt sub vmbra Patrocinijs M. V. securus existens, si quis Veritate Bonæ Vitæ se læsum prætendat, ideo Iudicium subterfugiam: Non recuso Tribunal, de Jure mihi competens, dummodo seruetur Juris ordo, ab ipso Concilio Tridentino, & sacris Canonibus præscriptus; vt primò coram Ill<sup>mo</sup> D. meo Loci Ordinario, vbi nunc resideo, causa agatur, & sic bene instructa, per Appellationem, ad quem de Jure, deuoluatur. Faueat M. V. Bonum publicum promouenti, cuius interest, Verainam saluam esse, ne præfidiariis destituta, & ab hostibus totaliter occupata, viciniore ab iis imminetia pericula, V. M. Reip. & Ecclesiæ, magis onerosa, & difficiliora reddantur. Hoc vouet, & optat

**Maiestatis Vestræ**

*Humillimus Clien, & indignus apud Deum Exorator,*  
**Joannes Marchievvicz, J. V. D. Cracouiensis &**  
*Varmienfis Canonicus, Præpositus Tarnouiensis.*



BS(1)S

## Status Causæ; & Motium scribendi.



**I**N Anno 1653. post mortem Ducissæ Ostrogienfis, & Jaroslauensis, Palatinæ Vilnensis, orta fuit controuersia de Bonis post ejus decessum derelictis. Principes Lubomirscij, cum Principe Zamoscio, æquali iure hæreditatis, per Naturam sibi debitæ, tanquam proximi Nepotes defunctæ, Bona illa, vigore donationis per Jesuitas occupata, se velle vindicare, protestati sunt. 1. E contra Aula Varsoviensis Jesuitas in tutelam suscepit, eisq; assistentiam potenti brachio promisit. 2. Parum aberat, quin feruentior illa de Bonis terrestribus contentio, in Bellum Ciuile non erupisset: Palatino Chiouienti Zamoscio, & Pocillatore Regni Lubomirscio, ad vindicanda sua Bona hæreditaria, strenuè se præparantibus; nisi seniores fratres Principes Lubomirscij; modernus Palatinus Cracouiensis; & pie defunctus Marscalcus Regni, & Dux Campestris, impetum iuuenilem suâ prudentiâ moderati essent. 3. Ego pro tunc Varmia residens, de tam periculosa controuersia certior factus, non liuore, aliquo inductus, sed amore Patriæ, & zelo Christiano permotus, ita litem diremi: Edidi Libellum, cui titulum, dedi, Scandalum Expurgatum, in quo demonstraui, Jesuitas vigore sui Instituti, Bona stabilia possidere non posse. Ecce persuasi Patronis, & Benefactoribus meis, vt postpositis cum Aula periculosis contentionibus, causam occupatæ suæ hæreditatis, summo Pontifici decidendam committe-



mitterent. Placuit consilium; & conclusus Romam meus discessus, ut actionem Jesuitis intentarem. Sine mora, in Anno 1655. primis diebus Martij, Romam perueni, sede Vacante.

4. Antequam Summus Pontifex Alexander Papa vij. creatus esset, ex Instituto, & Constitutionibus S. Ignatij, argumenta conquire, ad Victoriam Causæ seruientia, videlicet, quæ possessionem Bonorum stabilium Jesuitis vetabant. Contrarias declarationes minus curabam; quia, ex Constitutione S. Ignatij didiceram, has non à fundatore conscriptas, sed ab hoste Naturæ humanæ, in fraudem primi Instituti, eiusq; Constitutionum, dictatas fuisse. His deductis, quis non sperasset Victoriam?

5. Nihil amplius ad Victoriam desiderans Canonicus, apud summum Pontificem audientiam procurabat, quæ humanis artibus præpedita, obtineri non potuit: Quia, indies sperabatur venturus ex Polonia Legatus, qui Canonicum, de occupata hereditate Jaroslauiensis actionem mouere Patribus Soc. præpediret, prius de objiciendis sibi per Legatum criminibus, respondere obligatum, & coactum.

6. Superuenit tandem Legatus, Decanus Ecclesiæ Collegiatae Varlauensis, Jesuitis consanguinitate fratris sui germani Romæ coniunctus. Hic secretò, sine scitu Canonici, summo Pontifici Legationem suam exposuit, & Canonicum Markieviez accusauit reum Seditionis, Rebellionis, Criminis læsæ Maiestatis, Concitationis Populi contra Dominium, Conspirationis cum hæreticis contra Ecclesiam, contra Rempublicam, contra Personam Regiæ Maiestatis; quod authenticis scripturis probaturum se promissit.



3  
fit, rogando, vt Canonicus, tanquam notoriè criminofus,  
in carcerem detruderetur.

Respondit Summus Pontifex Alexander vij. de facto, 7.  
id fieri non poffe, fed quandoquidem Canonicus inuenia-  
tur Romæ præfens, per viam Juris cum eo procedendum  
effe. Vrget Legatus, & allegat authoritatem fui Principa-  
lis, cuius refpectu Canonicum postulat incarcerari. Ste-  
tit conftans Summus Pontifex, & finale refponfum dedit,  
Caufas in Curia Romana, non per refpectum Personarum,  
fed per ordinariam Viam Iuftitiæ iudicari, & expediri de-  
bere. Quo refponfo non contentus Legatus, infectis re- 8.  
bus abiuit. Quæ omnia fecretiffimè, fine fcitu Canonici,  
in priuata Audientia, coram summo Pontifice agebantur,  
primis diebus Augufti, anno 1655.

In tali negotiorum tractatu non deerant Amici, & 9.  
Patroni, qui fine aliqua fpecificatione, generaliter denun-  
ciarent Canonico, Summum Pontificem à partibus fuis  
ftare, & Legati instantias non admittere. Huius rei ita-  
peractæ, testis eft omni exceptione maior Rmus P. Ray-  
mundus Capizuccus, pro tunc Magifter Sacri Palatii; qui  
femper Canonico coram summo Pontifice patrocinabatur.  
Testes funt Eminen<sup>ti</sup> Poloniæ Protectores, quibus Lega-  
tus tractatum suum cum Summo Pontifice exponere non  
prætermifit.

Non diuturna hæc felicitas Protectionis Pontificiæ 10.  
Canonico fuit: paulo post venit rumor, Suecos Poloni-  
am inuafiffe, primo maiorem Poloniam, & Pruffiam, de-  
inde Varfauiam, & ipsam Cracoviam occupaffe. Primo-  
res Regni, tam fpirituales quam feculares, in Vngariam, &  
Vicinam Silefiam, propter fecuritatem fe recepiffe: Du-



ces Polonos & ipsum Exercitum in potestatem hostium se tradidisse. Tam tristi nuncio consternatus Pontifex, graui dolore opprimebatur, Antemurale Christianitatis in potestatem hostium deuenisse. Ad quem consolandum, dum venirent homines, facilem ubiq; accessum habentes, inter alios discursus hæc de Canonico retulerunt; quod Sueci occupatâ Poloniâ, Imperium inuadere; postmodum Italiam, & ipsam Romam suæ Potestatis faceremoliantur.

1. Ad quem finem consequendum, Canonicus tanquam Explorator illorum Romam venerit, vt sub prætextu litis de hereditate Jaroslauienti, Suecis corresponderet, illosq; in occurrentibus negotiis informaret. Si capiatur; si scripta eius reuideantur; si literæ hinc inde ad eum, & ab eo venientes, intercipientur; omnia consilia Suecorum ex illis ita apparitura, vt ab alijs indicijs melior informatio desiderari non possit. Audita tali de Canonico Summus Pontifex relatione, in capturam ejus consensit, scripta omnia reuideri, & literas intercipi mandauit, iuxta suggestam informationem.

12. Postquam Canonicus per integros sex menses in strictissimo & secretissimo carcere detentus, panem doloris comedisset; aquam angustia bibisset; & funem illum, Italis chorda dictum, sæpius in camera sibi exhibitum, & suspensum habuisset; non permisit Deus innocentem diutius tormentari. Tulit opem Excellentissimus Patronus p. m. Georgius Princeps Lubomirscius, Regni Poloniae supremus Marsalcus, Exercituum Dux Campestris, Cracouiæ Gubernator, & Capitaneus Generalis. Qui subleuatâ ab hostibus Patriâ; reuocato ex Silesia Rege, cum Proceribus; & exercitu ad obedientiam militarem reducto,

primam



primam curam habuit de eliberando Romæ captiuo Canonico : proinde scrupulo facto his, ad quorum instantiam per Legatum carceratus fuerat, facile persuasit, vt literæ prioris instantiæ reuocatiuæ Romam scriberentur. Ad-  
didit & ille suum Innocentiæ testimonium in comitiua-  
Literarum Ill<sup>mi</sup> S. Nunciij Apostolici, qui nunc est Eminent<sup>iss</sup> Cardinalis Vidonus : quarum iustificatione Canonici ex carcere Violento liber euasit.

Ex his informationibus cognouerat Roma fraudem 14.  
Capturæ : & tamen adhuc interdictum dedit, ne Canonicus ab Vrbe discederet, sine licentia summi Pontificis. Hanc moram metus Jesuitarum causabat, ne Canonicus dimitteretur irreconciliatus. Cui res angusta domi, & occupatâ ab hostibus patriâ, cum nulla spes subsidij pecuniarij superesset, vrgebat defectus celeriolem discessum : qui cum esset aduersariis cognitus, quod per carcerem extorquete non poterant, per moram, Canonico præiudiciosam, præstare volebant.

Debuit Canonicus dissimulare, & vim sibi inferri, 15.  
clypeo patientiæ obumbrare. Petijt & impetrauit finaliter, vt Summus Pontifex ad hanc concordiam Emin<sup>ent</sup>issimum Cardinalem Raggium Mediatorem deputaret, coram quo Jesuitæ per P. Assistentem Germaniæ, suas offensiones inscriptis exposuerunt, quod Canonicus contra Institutum S. Ignatij, contra Constitutiones, earumq; declarationes, multa scripsisset, ac proinde satisfactionem sibi ab eo dari, Emin<sup>ent</sup>issimo Mediatori supplicabant.

Quibus punctis ad respondendum acceptis, de manu 16.  
Eminent<sup>issimi</sup> Mediatoris, respondit Canonicus, se Institutum primum S. Ignatij, quod in Bulla Pauli tertij, incipi-



- ente, Regimini, de Anno 1540. quinto Calend. Septemb.  
edita inuenitur, semper pro sacrosancto, laudabili, & glo-  
rioso habuisse: Aliud verò quod in Bulla Julij tertij, in-  
cipiente, Exposcit, de Anno 1550. edita continetur, tan-  
quam obreptitium, & subreptitium, fassus est se impugnaf-  
se, quia illi primo laudabili & glorioso per omnia contrari-  
um: & declarationibus innixum, quas vt Societas caueret,  
S. Ignatius per Constitutionem suam admonuit, *asserens il-  
las ab hoste Naturæ humanæ proficisci*: quo non obstante,  
Patres Soc. postposito illo primo laudabili & glorioso In-  
stituto, hoc secundum sequuntur, ejusque declarationes,  
tanquam à S. Ignatio adscriptas, falsò existimant, easq; am-  
plectuntur, & adorant. Et hæc omnia authenticis docu-  
mentis probata sunt.

18. Quæ ad trutinam porrecta Eminen<sup>mo</sup> mediatori, & ad  
replicandum supradicto B. Assistenti Germaniæ tradita, ab  
eodem P. Generali Præposito Societatis, ejusq; Consilio,  
delata sunt. Expedita itaque deliberatione, idem P. Assi-  
stens Germaniæ, comparuit, & scripturam in manus Emi-  
nen<sup>ti</sup> Mediatoris porrexit, quum eum Eminen<sup>mus</sup> reui-  
disset, agnouit Responsum esse Canonici, quid Patres ad  
illud replicarent, interrogauit. Tergiuersabatur dictus  
P. Assistens Germaniæ, tandem ad respondendum adstri-  
ctus, hæc formalia Verba dixit: *Nolumus disputare, su-  
mus in possessione ita Vivendi.*

19. Ad tale Responsum, omnes Prælati domestici, & alij  
Curiales, ad latus Eminen<sup>ti</sup> Mediatoris assistentes, obstu-  
perunt; Canonico, ne quid amplius loqueretur, indi-  
ctum est silentium, propter Bonum pacis. Et sic Canoni-



7  
eius, cum iam esset Victor, nihilominus coactus est obla-  
tam sibi scripturam subscribere, quæ cauebatur, ne quid  
amplius contra Institutum S. Ignatii & Declarationes eius-  
dem scriberet, sub pœnis, Sanctissimi Domini Nostri, Ale-  
xandri Papæ Septimi, arbitrio reservatis. Has controuer- 20.  
sas scripturas Canonicus pro informatione suorum Patro-  
norum, ut scirent, quomodo negotium Romæ procederet,  
semper in Poloniam remittebat. Ex qua narratiua, prout  
erat in rei veritate, Lector beneuolus duo animadvertere,  
potest: Primo, hæc, quæ allegata ratione Instituti,  
Constitutionum, & declarationum, Patres Soc. offende-  
bant, non per liuorem, sed per necessitatem scripta fuisse,  
eo fine, ut deducta rei veritate, Canonicus pro suis Patro-  
nis, & Benefactoribus, Jaroslaiensem hæreditatem, tan-  
quam iniuste occupatam, vindicaret.

Deinde cum hæc scripturæ informatiua, per multo- 21.  
rum transuerint manus, & fortassis à pluribus descriptæ, &  
ad scholas Varsavienses nouiter erectas applicatæ, nunc  
nescitur quo auctore, typis clandestinis impressæ fuerint.  
Quod Canonicus non laudauit, & dignum prohibitione  
iudicauit, *sine præiudicio veritatis*, quæ hoc libello in inte-  
grum restituta, authenticas & legitimas pro sua parte alle-  
gationes, à suspitione contumeliæ, calumniæ, & iniuriæ,  
quas Patres Soc. per hæc, & similia scripta, sibi illatas præ-  
tendunt, facile vindicabit.

## De Possessione ita viuendi apud Societatem.

Triplicem ego viuendi Possessionem inuenio, apud 22.  
Socie-



Societatem. Prima est illa, quam S. Ignatius ita instituit, ut esset imitatrix vitæ & operum nostri Saluatoris; ideo Societatem JESV voluit appellari. Occupationem verò talem illis præscripsit, prout sequitur:

23. *Et nominatim Socij commendatam sibi habeant Institutionem puerorum, ac rudium in doctrina Christiana; Decem præceptorum; atq; aliorum similium rudimentorum. Est enim maximè necessarium, circa prouidentiam huius rei, diligenter Prepositum, & Consilium inuigilare: cum & in proximis edificium fidei sine fundamento non possit consurgere, & in nostris periculum sit, ne ut quisq; erit doctior, ita prouinciam hanc, tanquam primo aspectu minus speciosam, forsitan detrectare conetur: cum tamen reuera nulla sit fructuosior, vel proximis ad edificationem, vel nostris ad charitatis, & humilitatis simul officia exercenda.*

24. *Circa hos actus Pietatis & Humilitatis exercendos, voluit Societatem vivere in summa paupertate, quam cum suis Socijs ita toti mundo intimaui: Cum autem experti fuerimus, iucundiores, puriores, & ad proximi edificationem aptiores esse vitam, ab omni Auaritia contagione, quàm remotissimam, & Euangelice paupertati quàm simillimam; cumq; sciamus, Dominum nostrum Jesum Christum, seruis suis Regnum Dei solum inquirentibus, necessaria ad victum, & vestitum esse subministraturum, voucant singuli, &*

25. *vniversi perpetuam paupertatem: Declarantes, quod non solum priuatim, sed neq; etiam communiter possint pro societatis sustentatione aut VSU, ad bona aliqua stabilia, aut ad Prouentus, seu Introitus aliquos Jus aliquod Civile acquirere; sed sint contenti vsum tantum rerum ad necessaria sibi comparanda recipere. Ita loquitur Institutum primum § 10.*

Hac



9

Hæc fuit Possessio viuendi primitiuæ Societatis JESV, 26.  
quam Paulus Papa iij. ad instantiam Ignatii, & Sociorum  
eius, pro perpetuis futuris temporibus, laudauit, appro-  
bavit, & benedixit in Bulla Regimini, edita Anno 1540.  
quinto Calen. Septemb.

## Secunda Possessio viuendi.

De hac secunda possessione viuendi Sacchinus, Soc. 27.  
Jesv Historiographus, de anno 1565. ita loquitur: *Huc-  
usq; Societas procedebat lato successu: Et ita ab Ignatio Lojola  
suo fundatore, & Jacobo Laynezio, Successore, è vita decedenti-  
bus, relicta, ut & magnorum virorum probitate floretet, & ce-  
lebritate nominis vbig, per totam Christianitatem commendare-  
tur.* Sacchin. Histor. lib. i. fol. i.

*In eo statueretur, tanquam ad lubricum & anceps adole- 28.  
scentie ventum erat, periculum ut esset Societati, ne tanta a-  
gendarum occupatione rerum, & tractatione literarum, quò  
longius ab ortu, & impetu primo recedebat, interioris cuique  
sui Hominis cura paulatim laxior fieret, suauisq; erga res diui-  
nas affectio, earumq; gustus, qui solidarum virtutum custos i-  
dem ac fructus est, exaresceret.* Sacchin. Histor. lib. i.  
fol. i.

*Defuncto Laynezio, Prouinciales inter cetera curare 29.  
iusi, uti prudentes ac periti inter suos annotarent vias & ratio-  
nes, quas suo cuiq; in ministerio maximè aptas & efficaces, cum  
diuino lumine monstrasset usus, siue ad iuuandos morientes,  
siue ad confitentes regendos; siue ad agendum cum Populo è lo-  
co superiore: item ad priuatos congressus, & familiarem*



30. *consuetudinem cum pietatis profectu instituendam; ad literas quoq; in gymnasiis, doctrinamq; Christianam in templis, atq; in locis quibusdam tradendum. Simul ut qui Rectores Collegiorum, quiq; ministri fuissent, conferrent in medium, si quid obseruassent ad optimam administrationem opportunum. Hæc ubi expertis præstantibusq; viris, è cuncta Societate, collata in unum, & redacta in normam præcepta, fore cæteris Socijs pro Magistro & Duce, ut appositè, interq; se congruenter tractarent munia ubiq; terrarum. Sacchin, lib. 1. fol. 2. n. 5. Histor. Soc.*

## Constitutiones Societati præscriptæ pro eo tempore.

31. 1. Decretum fuit ut, Edicta Regis Hispaniarum, sine tergiuersatione, de non exportandis ex suo Regno pecunijs obseruarentur.
2. Ut forensibus litibus abstineretur.
3. In colendis agris, fructibusq; in foro vendendis, mercaturæ abesset species.
4. Si quid in Societatem conscripti eidem donarent, id cuiusq; Prouinciæ addiceretur.
5. Statuerunt Patres, ut nulla ad ædes Societatis exponeretur Arca, pro colligendis Eleemosynis, ad quoscunq; usus.
32. 6. Professor Perussinus, pro Lectura in publico gymnasio, etiam per modum Eleemosynæ nihil accipiat, imo Lecturæ & stipendio renunciet.
7. Veruerunt quoq; Socios Extraneorum cuiuspiam, suade-



suadere, vt Societati potiùs, quam alijs pauperibus, quidquam legaret: nec stipem, nisi planè, ac simpliciter, per Dei Amorem, rogari voluerunt.

8. Quoniam nuper Concilium Tridentinum Religiosis omnibus, præter Cappuzinos, ac minores obseruantes, habere perpetua soloq; contenta Bona permiserat: Quicquid Juris ex illo Concilij beneficio pertinere ad Societatem posset, magno consensu, id omne abdicari, ac penitus eo cedi placuit; vt continuò rite factum est, Sacchin. Histor. Soc. lib. 1. fol. 17. n. 42. 33.

## Constitutiones post erectas scholas.

*Omnes, qui sub obedientia sunt Societatis, meminerint se gratis debere dare, quæ gratis acceperunt, nec possidendo, nec admittendo stipendium, vel eleemosynas vllas, quibus Missæ, vel Confessiones, vel predicationes, vel lectiones, vel visitationes, vel quoduis aliud officium, ex ijs, quæ Societas iuxta nostrum Institutum exercere potest, compensari videatur, vt sic maiori cum libertate possit, & proximorum adificatione, in diuino seruitio procedere.* Constitut. par. 6. c. 2. §. 7. 34.

*Cum Societas gratis doceat, videat Rector, ne Magistris vel vllis alijs de Societate, sibi, aut Collegio, pecuniam, aut dona quæuis, ab vllò, pro re quauis in ipsorum utilitatem facta, accipere permittat. Quandoquidem præmium nostrum, solus Christus Dominus, iuxta nostrum Institutum, futurus est, qui est merces nostra magna nimis.* Constitut. par. 4. cap. 15. §. 4. 35.

*Nec etiam (quamuis alijs sit licitum) pro Missarum sacri-* 36.  
ficiis



ficiis, vel predicationibus, vel lectionibus, vel ullius Sacramenti administratione, vel quouis alio pio officio, ex ijs, quæ iuxta suum Institutum Societas potest exercere, stipendium ullum, vel Eleemosynam, quæ ad compensationem huiusmodi ministeriorum dari solet, ab alio, quàm à Deo, (ob cuius obsequium omnia purè facere debent) possunt admittere. Exam. Gen. cap. 1. §. 3.

37. Quamuis ad bona & sancta opera, & maximè perpetuò duratura, incitare laudabile sit; ob maiorem tamen edificationem, nullus de Societate debet, nec potest, quenquam ad eleemosynas perpetuas, domibus, vel Ecclesiis, eiusdem Societatis relinquendas, incitare. Et si aliqui sponte sua eas relinquerent, nullum Jus Civile ad eas petendas in iudicio acquiratur, sed cum ad id charitas propter Deum eos mouerit, tunc eas elargiantur. Constitut. par. 6. c. 2. §. 6.

38. Eadem de causa, munuscula, quæ magnatibus ad res maiores ab ipsis obtinendas, offerri solent, ne offerantur: nec huiusmodi primarios viros inuisere nostri consuecant, nisi sancto studio piorum operum ducerentur: vel quando intimè beneuolentià in Domino tam essent coniuncti, ut huiusmodi officium aliquoties eis deberi videatur. Constitut. par. 6. cap. 2. §. 9.

39. Vi plenius possit Societas rebus spiritualibus, iuxta suum Institutum, vacare quoad ejus fieri poterit, à negotiis secularibus abstineat, nec ea ullis precibus adducti, obeunda suscipiant, vel in illis se occupari sinant. Constitut. par. 6. cap. 3. §. 7.

40. Quod in vniuersum in sexta parte. c. 3. dicitur, eos qui de Societate sunt, negotiis secularibus, (licet pia alioquin essent) implicari non debere, id Generali magis, quàm reliquis omni-



13

bus, conuenit, ne in eis, vel aliis etiam rebus, piis quidem, sed ad societatem non pertinentibus, occupari se sinant. Constit. par 9. cap. 6. §. 4.

Sui victus, potus, vestitus, & lecti rationem, si Societatem 41.  
sequi velit, sibi persuadeat fore, ut pauperibus accommoda-  
tam: in quibus habenda semper erit ratio humilitatis, pau-  
pertatis, ac spiritualis edificationis; quod semper nobis in  
Domino ob oculos versari debet. Ideo quæ vilissima erunt, ex  
iis, quæ domi sunt, ei tribuatur, propter ipsius maiorem ab-  
negationem, & spiritualem profectum; & ut ad quandam  
æqualitatem, & veluti mensuram ab omnibus perueniatur.  
Cum enim primi, qui in Societatem conuenerunt, per huiusmo- 42.  
di indigentiam, ac penuriam maiorem rerum corpori necessa-  
riarum probati fuerint, qui post eos accedent, curare debent, ut  
quoad poterunt, eò pertingant, quò illi peruenierunt, & ulte-  
rius etiam in Domino progrediantur. Exam. Gen. c. 4. §. 26.  
& Constit. par. 6. cap. 2. §. 16.

Ut in hac etiam parte, modo consentaneo debita paupertas 43.  
ti procedatur, nullum in domibus Societatis Jumentum, ad v-  
sum alicuius de ipsa Societate, siue prepositus, siue subditus ille  
sit, ordinariè habebitur. Constitui. par. 6. c. 4. §. 14.

Qui maioribus pollent ad viam peragendam viribus, eos, 44.  
qui sunt infirmiores, subsequi, & non precedere debent: Et  
iter cuiusq; diei horum debiliū infirmitate commensuretur.  
Quod si quis viribus destitueretur, iumento, aut alia tatione  
inuari debet. Qua in re, non qualitatis personarum, sed ne-  
cessitatis, & charitatis fraternæ ratio est habenda. In Sum-  
mar. Reguli peregr. §. 6.

Quo melius Paupertatis puritas & quies illa quam secum 45  
aufert, conseruetur; non solum particulares professi, vel



*coadiutores formati, hereditaria successione non erunt capaces, verum, nec domus, nec Ecclesia, nec collegia, eorum ratione. Sic enim omnibus litibus, & controuersis præcis, charitas cum omnibus, ad Dei gloriam, melius conseruabitur. Constitut. par. 6. c. 2. §. 12.*

46. *In ijs Collegijs, quæ duodecim scholasticos, ex proprijs redditibus (præter præceptores) alere possunt, ob maiorem populi edificationem, nec petantur eleemosynæ, nec illa, aut dona vlla oblata admittantur. Si redditus minores fuerint, quàm huic numero alendo sufficiant, admitti quidem, non autem peti aliqua eleemosynæ possent, nisi tanta paupertate collegium premeretur, vt etiam petere saltim à quibusdam esset necessarium. Constit. par. 4. c. 2. §. 6.*

47. *Omissis aliis pluribus allegationibus, hæc est secunda possessio viuendi, ex ipsis Constitutionibus deprompta, postquam se ad tractanda studia literarum applicauit Societas.*

### Tertia possessio viuendi.

48. *De tertia Patrum Societatis possessione viuendi aliquid dicturus, nihil extra iuncturam induco de meo: assumo illud pro fundamento, quod allegant vindicationes Societatis ex S. Bonauentura, in hæc verba: Tertiò illud, ad quod vocatur, recolat; quia cum, non ad Regulam B. Augustini, vel Benedicti, Redemptoris gratia reuocauit, sed ad illam sacratissimam, quam ipsemet elegit, quando ductus est in deserto, vbi quadraginta diebus, & noctibus continuis ieiunauit, & in maxima paupertate per mundum predicauit, &*  
salu-



saluti omnium ardentissime intendit, & præcursor suus proprie  
instituit, ipsam in seipso seruans; & nobis seruandam monstra-  
uit. In tantum alijs regiminibus sublimior Regula, in quan-  
tum doctrinam humanam diuinum eloquium præexcellit. Vin-  
dicat. Soc. c. 48. fol. 376.

Ad hanc recollectionem vindicationes Soc. talem 49.  
sibi formant quæstionem: Quanta, rogo te Lector, irarum  
flamma in nos exardesceret, si nostrum quispiam sic loqueretur?  
ibid. fol. 376.

In defectu Solutionis huius quæstionis, ego subiun- 50.  
go: Non tam demissè sentio de Ignatiano proposito, vt  
majora de se pronunciare non possit, quæ cum S. Franci-  
scus, & S. Bonaventura audierint, opus est, vt in genua  
procumbant, & eius tam excelsum Institutum à Spiritu S.  
in nomine Jesu dictatum, venerentur. Argumentum sup-  
peditant Vindicationes Societatis, his verbis:

Qui conspirantibus animis grande aliquid aggrediuntur, 51.  
solent quasi propositi tesseram, atq; incitamentum, cognomen  
aliquod sibi imponere; & Stemma præferre; non quasi eius  
laudis præstantiam, sed studium profesfi: idq; extra omnem  
superbie notam, inuidiamq;, at non extra sublimis animi com-  
mendationem. Non secus Ignatius cum ad imitationem Jesu 52.  
Christi, in querenda hominum salute, Societatem suam institu-  
eret, atq; erudiret, nomine ipso, ac stemmate, votum hoc pium  
explicare voluit, & enutrire, vt quoties hi aut se vocari audi-  
rent, aut insigne sui ordinis aspicerent, toties debiri ac promissi  
muneris admonerentur. Id ergo cause habuit, cur pro stem-  
mate diuinissimum Jesu nomen deligeret, adiecta Epigraphæ:  
ad maiorem Dei gloriam, curq; ex ipso Jesu descriptam à se mili-  
tiam denominaret. Vindicat. Soc. c. 6. fol. 18.

Repeto



53. Repeto animosum, & gloriosum dictum: *Validum quippe mortalibus calcar, ad magna persequenda, magna palam spondisse.* Ad hunc finem facio, ut Societas ordine S. Francisci, de quo S. Bonaventura superius gloriatur, se non inferiorem, imo superiorem agnoscat, & profiteatur. Sed frustra laboro, frustra primi instituti tam excelsum prærogatiuum commemoro, quando Patrum Societatis tertia possessio vivendi, jam seipsam toti Orbi Christiano ita manifestavit: *Nos canobita sumus, qui mixtam actione contemplationem profitemur.* Vindicat. Soc. cap. 32. fol. 178. *Hinc nemo non videat, angustiores paupertatem, rerumque communium inopiam Societatis proposito fini, quàm communi, quâ speciali, perincommodam fore.* Vindicat. Soc. cap. 49. fol. 387. *Exiget proinde Alumnos honesti sanguinis, utpote cuius & ingenium & urbanitas plerumq. comites.* Hanc verò anticipationem, quicumque materno cum lacte hausit, & convitui nostro peridoneus, & ministerijs nostris apprime tutus & c. *Leges verò par est, ut consueta recipiant, ac proinde tales leges ad Societatem faciunt, quales pubem patricij sanguinis, & quod huic proximum est, tenerioris habitudinis, non absterreant.* Nullum exitiosius Societati consilium foret, quàm
54. *quorundam, qui ad omnem austeritatem effecti, vellent, ut ipsorum exempla, non modo laudum essent materia, sed legum forma, &c.* Expedi namque, ut quedam profana vitæ delectamenta, quæ negata cupidinem, usurpata fastidium creant, possessione magis, quàm repudiatione vilescant. Vindicat. Soc. c. 50. *Nimirum eas modo voluptates admitimus, quæ per se naturales functiones comitantur, non quarum luxus est arti-*
55. *sex, ibid. cap. 14. fol. 79.* *Hæc, quæ nobis suppeditantur quæ vitæ præsidia, quæ lenimenta, non hic ego erubescens confi-*



*confiteor, quin predico, quin probo. Ergone duritatem illam, quæ sanctissimis Ordinibus in deliciis est, improbas? Imo eam collaudo, ac deueneror. Sed eandem, si nobis præscriberetur, elata voce damnarem. Vindicat. Soc. cap. 50. No-*  
*stre siquidem Leges nec prædura sunt, neque subditos suos ulla*  
*peccati obligatione deuinciunt. Quod si Societati tanta est, ut*  
*verè est, ab inferis dissociatio, tamque facilis gradus ad supe-*  
*ros, quantinam solatijs parentibus esse debet, in ea conditione,*  
*natum suum cernere, ut presentiant, quantum mortalibus li-*  
*ceet, se adoptiuum Deo, non Satanae mancipium genuisse. Vindi-*  
*cat. Soc. cap. 14. fol. 78.*

Plura allegare omitto, quia breuis esse volo: Sufficiat beneuolo Lectori meo, hæc principaliora puncta ad oculum demonstrasse.

## Hæc triplex Patrum Soc: Possessio uiuendi quoseffectus in Christianitate produxerit?

Vindicationes Societatis, dum discrepantes hominum  
 in Societatem affectiones examinant, summarie ac compendiosè hanc quæstionem nobis resoluunt, quando ita dicunt: Nullus mortalium cœtus, recentibus hisce seculis ab hominum genere tantum fauoris expertus, ac Societas Iesv: nullus æquè tantum in seclationis. Eadem immortaliter collaudata, eadem acerbissimè reprobata. Alii hunc Ordinem, quasi collapsæ virtutis, adeoque pietatis restitutorem liberaliùs extollunt: eundem alii, ceu Christianæ Reipub: corruptelam, ac morum pestem execrantur. Vindicat. Soc: c. 1. §. 1. fol. 1.



Cuinam ex supra dictis possessionibus  
viuendi, laudes, aut vituperia  
conueniant?

59. Primi Socij, & sic prima illarum possessio in summa paupertate viuendi, magnis encomijs à Paulo Papa tertio celebrata est; *quod spiritu S. afflati, suum Institutum ad imitationem vite & morum Saluatoris nostri, sibi præscripserint.* Vnde illud sibi pro confirmatione oblatum, laudauit, approbavit, & pro perpetuis futuris temporibus benedixit, in Bulla, Regimini, edita v. Calend. Septemb. Anno 1540. quando Societas Jesu nascebatur. Hæc durauit per 25. annos sub bino Generalatu, de quo Historia Soc. in Anno 1565. ita scribit: *Hucusq; Societas procedebat lato successu; & ita ab Ignatio Loyola, suo Fundatore, & Jacobo Laynezio, successore, & vita decedentibus relicta, ut & magnorum virorum probitate floreret, & celebritate nominis, obique per totam Christianitatem commendaretur.* Sacchin. Histor. Soc. lib. 1. fol. 1.

60. Alia Societatis possessio viuendi, ad tractanda studia, literarum applicata, ex eo quod gratuitam doctrinam, sine ullo censu, & sine ullo stipendio profiteretur, solâ prouidentia diuinâ contenta, & ex alijs pijs Constitutionibus suis, quæ supra à n. 31. usq; ad n. 47. enumerantur, adeo Concilio Tridentino placuit, ut eam cæteris Magistris salariatis, in docendo præferri voluerit. Vindicat. Soc. cap. 21. ad finem fol. 154.

61. Et hæ sunt duæ Patrum Societatis possessiones viuendi, adeo



19  
di, adeo innocentia sua laudabiles, & commendabiles, ut  
cum neminem unquam læserint, consequenter nullius  
vituperium, nullius maledictionem, aut obtreccionem  
promeruerint.

Ad hanc innocentiae felicitatem videntur aspirare, 63.  
ipsae Vindicationes Societatis, quando ita loquuntur:  
*Quinam prae nobis tutiores, quinam impensius amore, ac ve-  
neratione culti, si ea tantum munia complectamur, quae superis  
accepta, hominibus salutaria, nemini insensa, extra aleam,  
infortunati euentus collocata? Vindicat. Soc. c. 50. fol. 396.  
ad finem.*

Tertia possessio viuendi, est modernus status Socie- 64.  
tatis; de eo quid dicam? Nefas puto commemorare, quid  
contra eundem dissidentes in Religione magnis volumini-  
bus contestati sint, quia praesumuntur, odio Religionis  
haec scripsisse. Sileo Schoppios, Vargassios, Elixirios, So-  
lipsios, & alios, quorum obscuriora nomina, & opera, sine  
censura & approbatione Ecclesiastica in lucem edita, non  
merentur, ut illorum aliqua ratio habeatur. Prætereo 65.  
& illa, quae Julius Scotus in Italia; Astrum inextinctum  
Benedictinorum in Germania; P. Valerianus Magnus, Cap-  
puzinus in Bohemia; Apologia Regularis Discalceatorum  
in Polonia; Petrus Aurelius in Gallia; Mariana de mor-  
bis Soc, in Hispania; Archiepiscopus, ni fallor, Angelopo-  
litanus in India; & alii quamplures ubique locorum viri  
Catholici & Religiosi scripserunt, quae alijs iudicanda  
relinquo.

Illud vnicum me in magnam rapit admirationem, 66.  
quodd Palauicinus, speciosis argumentis, & eleganti stylo,  
ab obtreccatoribus, per integra quinquaginta sui libri ca-



pita, vindicans Societatem, finaliter in hæc verba prorumpere coactus fuerit: *Ego verò meliore in loco me versari confido, quàm ut cogar miseram hanc defensionem arripere. Ut enim verissimum sit, aliquando probos odijs, & calumnijs vexari; quis tamen neget, odium publicum, magnam esse notam improbitatis?* Palauic. Vindicat. Soc. c. ultimo. fol. 398.

67. Hac triplici possessione vitæ Patrum Soc. demonstratâ, quarum prima, & secunda laudibus exornata; tertia, non solum gravissimè reprobata, sed tanquam Christianæ Reipubl. corruptela, & morum pestis execrationem promerita, ut loquuntur Vindicat. Soc. cap. 1. fol. 1. §. 1. excitauit in me desiderium sciendi, quo sensu hæc vituperia Societas acceperit. Et doctissimus Palauicinus ita me docet: *Si quidquam à nostris peccatur, vitium est veniâ, non obiuratione dignum; quippe non proprium, sed commune, & veriùs uniuersæ naturæ vitiatum, quàm nostrum: Qualium vitiorum quicunq; munditiâ in nobis flagitat, ne ille nos imprudens, non tam abjicit, quàm attollit; quasi nos tam eximios ratus, quos noxarum, ex gentili peccato fluentium pu-*
69. *ros non immeritò speret. Adeoq; similiter nos exprobratione, ista cobonestat, ac si quis ex falso præiudicio nostræ conditionis, humanam prætergesse mortalitatem, morbos, lapsus mentis, ira, cupidinisque rebelles motus, quasi nobis euitabiles, exprobraret. Tunc quidem merentes exprobrationem pateremur, cum aliquod vitium nostris legibus, Institutisq; aut primorum exemplis, hoc est, tacitis quibusdam legibus, foueretur. Sed hoc quàm longe absit, considera.* Vindicat. Soc. cap. 48. fol. 377.

Conside-



## Considerationes legum Societatis; Socijs, tertij anni probationem exercentibus, accommodatæ.

Obtentâ gratiâ à vindicationibus Soc. vt mihi leges 70. eiusdem considerare liceat; ad imitationem S. Bernhardi, sicut ille suas considerationes direxit ad Eugenium Papam; ita & mihi, ad Socios, tertij anni probationem exercentes, sermo erit, non sine causa: Quia illis facultas concessa recolendi, explicandi, commentandi Regulas, & Constitutiones Societatis. Vindicat, Soc. cap. 30. fol. 253.

**Consideratio prima:** An mutatio Instituti Societatis, occasionem vituperijs non dederit? Hanc mutationem doctissimus Palavicinus non admittens, tali vitur similitudine: *Quid enim? An tibi expeditum videretur, nouam hominis naturam effigere, que retentis quibusdam, humanis membris, alia tamen diuersa gerat, ac ille homo, qui nunc habetur? Scilicet periculum erit, ne si humane capiti equinam ceruicem adiunxeris, variasq. plumas induxeris, deridiculo sis, vt Venusinus ominatur: aliqua enim membra retinenti, aliqua peruertenti; inproclini erit, vt pro emendationi opere, monstrum exeat. Videlicet cum pulchritudo ac 72. probitas opificiorum, tota versetur in apta proportionem partium, quis non videat, quàm proum sit, vt alijs inductis partibus, quas egregius faber, uti credibile est, repudiavit, pristina pulchritudo in obnormem deformitatem degeneret. Vt enim aliquando vnius literula commutatio, sententiam non euerit*



*modo, sed priori opponit; ita nonnunquam si ex optimis aliqua demas, pessima efficies.* Vindicat. Soc. cap. 16. folio 98. & 99.

73. **Consideratio secunda:** An aliqua non sint adempta ex Instituto primo, per illam declarationem, quæ legitur in Bulla Julij iij, incipiente, Exposcit, edita anno 150. clarè patet, quod hæc Bulla iam aliud contineat Institutum sub specie declarationis reformatum, per quam multa videntur adiecta, plura ex primo Instituto adempta. Et quia contraria iuxta se posita magis elucescunt; Ego Roma, è diametro vnum alteri per puncta opposui, pro informatione Summi Pontificis Alexandri vii. propter lucrandam causam occupatæ hæreditatis Jaroslaviensis: Ex quo patuit, Institutum primum in paupertate & expressa prohibitione possessionis Bonorum Terrestrium fundatum, seruire nobis pro victoriâ; secundum verò iam declaratum, non solum ad bona stabilia retinenda, sed ad maiora pro Societate acquirenda, dabat licentiam & facultatem. Videbatur ergo hoc declaratum non mereri fidem, ex multis
75. rationibus: Primo, quia sustulit obedientiam Summo Pontifici, eamq; Ecclesiæ præstari voluit. Secundò, sustulit humilitatem, & pro ea imposuit deuotionem. Tertiò, sustulit exercitium docendi rudes & agrestes doctrinam Christianam, quod obligabat vniuersos & singulos, etiam doctiores, præstare hoc officium pietatis. Nunc autem soli Tyrones aliquando diebus festis id faciunt, in maioribus Ciuitatibus, vbi habent Collegia: Oppida & villæ, vbi propriè sunt rudes & agrestes, carent isto pabulo doctrinæ Christianæ. Quartò, sustulit paupertatem, eiusque declarationem totaliter extirpauit, quæ sic sonabat:

*Decla-*



23

*Declarantes, quod non solum priuatim, sed neq; etiam communiter, possint pro Societatis sustentatione, aut usu, ad bona aliqua stabilia, aut ad prouentus, seu introitus aliquos, Jus aliquod Ciuile acquirere: sed sint contenti, usum tantum rerum, ad necessaria sibi comparanda, recipere. Hoc totum punctum in declarato Instituto penitus sublatum est. Quinto, circa confirmationem sustulit Apostolicam benedictionem. Sexto, ad possessionem bonorum stabilium, & ad omnem uitae commoditatem, exclusa mortificatione, ianuam aperuit. Septimo, totam viuendi normam reduxit ad Declarationes; in pluribus locis haec verba repetendo: Prout in Constitutionibus declarabitur.*

77.

*Consideratio tertia: Quae mens fuerit S. Ignatii, circa Declarationes faciendas, quod aperte colligitur ex subsequenti Constitutione: Paupertas ut mirus firmus Religionis diligenda, & in sua puritate conseruanda est, quantum diuina gratia aspirante fieri poterit. Et quia humana natura hostis, ad hoc propugnaculum ac refugium debilitandam, (quod Deus Dominus nosse Religionibus inspirauit contra illum, aliosq; Religiose perfectionis aduersarios) eniti solet ea, quae à primis fundatoribus bene ordinata fuerunt, immutare, per declarationes, vel innoationes primo illorum spiritui minime consentaneas: ut quod in nobis situm fuerit, hac parte Societati prospiciamus: Quicumq; in ea professionem emiserint, se ad innoationem Constitutionum in iis, quae ad paupertatem pertinent, nihil facturos promittant; nisi aliquo modo pro rerum occurrentium ratione, eam in Domino magis restringendam indicarent. Constitus. par. 6. c. 2. §. 1.*

78.

79.

Con-



80. **Consideratio quarta:** Vtrum Societas hoc paupertatis propugnaculum demoliri, aut conuelli voluerit? De quo sequitur tale Decretum: *Cum quidam ex Patribus proposuissent, vtrum Constitutiones, quæ ratione temporum, vel alias ob causas in praxi non sunt, expungendæ essent? Responsum est, nulla ratione id faciendum, sed potius oportere, vt omnes inuiolatæ permaneant, vt quales à S. memoriæ R. P. N. Ignatio acceptæ sunt, tales identidem ad posteros transmittantur.* Congregatio Generalis tertia, Decreto 13. Ex
81. quo constat plures Constitutiones S. Ignatii, modernæ Societati in praxi non esse, & ferè omnes illas, prout ego obseruavi, quas S. Ignatius ob maiorem populi ædificationem constituit, quod tam est clarum, vt negari non possit, quin semper probari, & ad oculum deduci potest.

82. **Consideratio quinta:** Vtrum amplius dubitari possit de mutatione legum Societatis, quando de illis Ioannes Mariana ita loquitur: *Certares est, quod noster P. Ignatius nunquam sperabat, vt in nostram Societatem deberet intrare tanta multitudo personarum, quanta hodie reperitur. Jam ergo mutatis temporibus, & rerum statu, pariter opus etiam fuit accommodari, ac mutari ipsas leges.* Mariana de legibus c. 14. fol. 77.

83. Et in alio loco ita dicit: *Diuersa res est, dare leges alicui communitati, quando illa formari incipit, planè ita accidit, ac si infanti hodie nato darentur vestimenta, quibus tota sua ætate vteretur, quod sine miraculo fieri non posset, postquam corpus illius grandius aut mediocrius, ad certam mensuram reuocari non potuerit, & propterea esset stultitia, & magnus error, si quis vellet esse ita pertinax & obstinatus, vt hæc persona*



25

*utatur illis vestimentis, propterea quod suus Pater talia sibi reliquerit. Et sic Corpus Societatis, cum sit totum contrarium illi, quod fundator destinauerat, & formauerat, nonne esset maximus error, ut illis legibus utatur, quæ sunt data à principio Corpori Societatis, totaliter differenti & dissimili, quam sit de presenti? Mariana de Legib. Soc. cap. 19. fol. 91. & 92. Et hic est testis omni exceptione maior, adolescentulus Societatem ingressus, anno 1554. adhuc viuente S. Ignatio: Septuaginta annos vixit in Societate: Anno demum 1624. mortuus.*

Reflexio supra prædictas Considerationes, directa ad Socios, tertium probationis annum exercentes.

*Quandoquidem Socij, tertium probationis annum exercentes, vos illi estis, quorum hic annuus labor est, ut omni alio studio interdicto, vera absolutæq; virtutis studiosi sitis, discendo vno Deo satis impleri, & assuescere officijs illis, à quibus omnis abest naturalis irritatio, quæq; vnum stimulum habent, spem, amoremq; celestis boni, ut asserunt Vindicat. Soc. cap. 30.*

Perpendite supradictas Considerationes, & videte, quomodo illarum virtutum possitis esse studiosi, quas Declaratum vestrum fustulit Institutum. Vt supra n. 79. Ex quo fonte vituperia modernæ vitæ in vos deriuata sunt. Vt supra n. 71. Et quoniam huiusmodi Regulas & Constitutiones

D

85.  
86.  
87.



tutiones recolere, explicare, & commentari, vobis data sit potestas; non liuore aliquo permotus, sed charitate Christiana adductus, præmoneo: Non vos fallat illa legum vestrarum securitas, & gloria, quam Vindicationes vestræ ita enunciant: *Nostræ siquidem leges nec prædura sunt, neque subditos suos vlla peccati obligatione deuinciunt. Quod si Societati tanta est, ut verè est, ab inferis dissociatio, tamq. facilis gradus ad superos, quantinam solatijs parentibus esse debet, in ea conditione natum suum cernere, ut præsentiant, quantum mortalibus licet, se adoptiuum Deo, non Satanae mancipium genuisse.* Vindicat, Soc. cap. 14. folio 78.

89. An non sit fallax hæc assertio, sequentia indicant, quæ ita sonant: *Huc accedit, multos esse (apud nos) quibus mediocriter peccandi, aut etiam liberius degendi licentia satisfacit, qui si eo adigantur, ut nisi absolutè probi sint, scelesti esse debeant, summum scelus summa virtuti præoptent, ac tanquam conclusæ feræ, si fuga desit, in stragem ruant. Quocirca his, in bona venia pateret exitus, ita illum per crimina patefacerent, ut vel in Lernam illam Christiani Orbis Genenam se proriperent, vel patibula, triremes, ergastula criminibus prouocarent.* Verba sunt Vindicat, Soc. c. 17. fol. 110.

90. Per amorem Dei, & proximi, liceat inuestigare, quæ causa sit, quod cum Societas per suas leges non sit peccaminosa; quid illud est, quod tam grauib. pœnis Socios eius faciat obnoxios? Dicam quod sentio, saluo meliori iudicio, & sine præiudicio veritatis: Institutum illud Declaratum, videtur esse fons & origo omnium malorum, in quo contra mentem S. Ignatii, Obedientia Summo Pontifici immutata; Humilitas abiecta; Exer-

citi-



27

citium doctrinæ Christianæ, in locis, vbi sunt rudes & agrestes, per doctiores faciendum, penitus euacuatum; Mortificationes extinctæ, & in locum illarum, omnes commoditates vitæ superinductæ; Paupertas ad speciem posita; Cuius declaratio; *Non licere Societati, tam priuatim quam communiter, Bona stabilia acquirere; penitus euulsa, & eradicata: prout videre licet, si curiosus Lector voluerit, purum illud, simplex, laudabile, & gloriosum institutum, cum suo declarato, conferre; Primum inueniet, in Bulla Pauli iij. incipiente, Regimini, de Anno. 1540. Secundum iam declaratum, per omnia primo contrarium inueniet in Bulla Julij tertij, incipiente, Exposcit, de Anno 1550.* 92.

## Discursus de Hæreditate Jaroslauensi à Societate occupata.

His ad oculum deductis, & demonstratis, quæro, 93.  
An Socij tertium annum probationis exercentes, (*qui debent esse omnium virtutum studiosi, & sola caelestia meditari, vt volunt Vindicat. Soc. cap. 30.*) possint bona stabilia, occupatæ hæreditatis Jaroslauensis, viginti millium florenorum annui proventus, possidere? Pro negatiua, primum illud laudabile, gloriosum, & benedictum institutum, quod bona stabilia possidere non permittit, strenuè militabit.

Pro affirmatiua, si Societas aliud institutum iam declaratum, & sic primo contrarium, allegare, & possessionem ita viuendi commemorare voluerit, Testimonio i-



pius S. Ignatii conuincetur, qui in sua Constitutione præmonuit, huiusmodi declarationes, primo Fundatorum, spiritui contrarias, ab hoste naturæ humanæ proficisci. Vt supra n. 79.

95. In hoc conflictu rationum, annon plausibile erit Actoreæ parti, quando homines Politici, pro sua victoria, testimonia Pauli Papæ iij. ex Bulla illius incipiente, Regimini, allegabant dictamen spiritus sancti; *quo afflatus Ignatius cum suis nouem Sociis primum institutum composuerunt*; Declarantes, *quod Societas neq. priuatim, neq. communiter possit ad bona aliqua stabilia, siue ad introitus, Jus aliquod Ciuile acquirere*: Quod idem Paulus Papa iij. laudauit, approbauit, & pro perpetuis futuris temporibus benedixit. Bulla, Regimini, de anno 1540.

96. In Contrarium, Societati an non pudor erit, si fundata ad imitationem vitæ, & morum Saluatoris nostri, pro manutentione possessionis bonorum stabilium, declarationem primo Spiritui fundatoris contrariam, & sic ab hoste naturæ humanæ suggestam, allegauerit? Quam æquus Iudex, solum Deum, sanctamque eius iustitiam præ oculis habens, procul dubio non admittet.

97. Hæc sufficiat de prompsisse ex institutis Societatis. Est aliquid aliud, quod Actoreæ parti ad victoriam seruiet: Et illud est, quod vindicationes Soc. ita loquuntur: *Frequenter pie femine vouent, facturæ se, quæcunq. Sacerdos earum ductor iniunxerit, Et quidem non sub ea exceptione, si meliora videantur, sed absolute. Cuius voti frequentia satisne prudens, hic non inquirō. Vindicat. Soc. cap. 38. fol. 296.*

98. Considerando hoc votum, quis non animaduertat, Ducis-



Ducissam Palatinam, exemplo Jesuitarum, ab Urbano viij. extinctarum, ad Societatem illectam fuisse, & eo respectu Jesuitis tam ampla bona hæreditaria donasse.

Irrita est talis donatio, quam subsequens Canon, 99. Moguntinensis reuocat, & donata hæredibus adscribit, prout sequitur: *Constituit sanè sacer iste Conuentus, ut Episcopi siue Abbates, qui non in fructum animarum, sed in auaritiam, & turpe lucrum inbiantes, quoslibet homines circumueniendo, totonderunt, & res eorum tali persuasione surripuerunt, pœnitentiæ Canonice, utpote turpis lucri sectatores, subiaceant: Hi verò, qui illecticam depofuerunt, in eo quod cœperunt, persenerare cogantur: Res verò illorum hæredibus reddantur.* 16. q. 7. c. 42.

Observauit hunc S. Canonem S. Ignatius, quando 100. propter maiorem populi ædificationem, prohibuit, ne quisquam de Socijs vllam personam ad perpetuas eleemosynas domibus suis, vel Ecclesijs relinquendas, incitaret, quod fusius supra continetur. n. 37.

Transgressa est Societas moderna hoc laudabile decretum, quando non iam perpetuas eleemosynas, sed ipsa bona stabilia dari & legari sibi contendit. Quod in Polonia negare non potest, si in memoriam sibi reuocauerit, quid publicè scripserit, & typis impresserit, in *Epistola cuiusdam ad quendam Magnatem, scire cupientem, quomodo bona sua, cum utilitate animæ suæ, disponere posset; & cuiusnam Religioni simul cum Nepote addicare.* Testis est Apologia Regularis, quæ iniuriam alijs Religiosis Ordinibus, per scriptum illatam vindicauit.

Pro hac utilitate animæ suæ, & parentum suorum, Ducissa Palatina, Jesuitis bona sua donauit, ut Missis, Sacrifi-



cijs, & alijs pijs officijs, per modum suffragij possent adiuvari. Quæ bona eo sine sibi oblata, an potuissent acceptare, sequens Ignatiana Constitutio declarat:

103. *Nec etiam ( quamvis alijs sit licitum ) pro Missarum, sacrificijs, vel predicationibus, vel lectionibus, vel ullius sacramenti administratione, vel quouis alio pio officio, ex iis, quæ iuxta suum officium Societas potest exercere, stipendium ullum, vel eleemosynam, quæ ad compensationem huiusmodi ministeriorum dari solent, ab alio quàm à Deo ( ob cuius obsequium omnia purè facere debent ) possunt admittere. Exam. Gen. cap. 1. §. 3.*

104. *His & alijs argumentis Patres Societatis, non sine rubore ad angustias redacti, ô quàm meliùs, & honestiùs, illa maiorum suorum exempla imitarentur, quæ doctissimus Palauicinus, ita nobis repræsentat:*

105. *Nullus Religiosorum Ordo crebriùs, ac faciliùs consentit, ut eum ingressi censum omnem in Consanguineos transcribant; nullus variores habet, qui ex Asse relicto, unciolam, retinuerint; nullus qui ex pecuniis, aut fundis sibi, datis ampliùs in testatorum, vel donatorum cognatos liberaliter fuderit. Certè ex septem quos habuimus Generalibus prepositis, unius mutui vitelleschi largitiones, quàm miserationis; quàm grati animi; quàm pracidendarum litium, quamvis inanum, titulo, incredibilem auri vim compleuere, ut scriptæ tabule continentur.*

106. *Nec diu est, cum Vincentius Caraffa, me inter ceteros, quibus id deliberandum commiserat, suffragante, solo grati animi nomine, decem scutorum millia donauit, quo nepos quidam adolescens defuncti viri, de Romano Collegio præclare meriti, familiam ducere possit, eamq. honorifice sustentare. Vindicat. Soc. c. 49. fol. 382.*



31

Laudabilis hæc gratitudo in oculis Summi Pontificis, & totius Curia Romanæ conspectu, testificata, proximum enim periculum erat, ne leges Societatis, talia dona, seu legata prohibentes, ad notitiam deuenirent, ideo his sua sponte cedere placuit, ne inuitis iustitia detraheret, quod alias possideri non liceret. 107.

Hæc gratitudo minorum Beneficiorum, intra fines Italiae commoratur, ad Ultramontanos respicere non dignatur: Vix aliqua familia in Christianitate reperitur, quæ tantos sumptus pro fundanda, & conseruanda Religione, expenderit, sicut domus Ostrogienfis: Taceo amplissimas fundaciones Græciritus, antequam ad obedientiam, Romanæ Ecclesiæ conuerteretur. Prætereo nobilissimam foundationem Collegiatae Ecclesiæ Jaroslauiensis, & tot aliarum Patrochialium cum largo prouentu erectionem. 108.

Sola beneficia ipsi Patribus Soc. præstita, & in fundatione duorum Collegiorum Jaroslauensi & Ostrogienfi profusa, commemoro; quæ de bonis Ducum Ostrogienfium & Jaroslauensium erecta, ad sexaginta millia florenorum annui prouentus ascendunt. Huius ipsius Ducissæ Palatinæ, per triginta annos suæ viduitatis ordinarij prouentus plures milliones excedunt, quorum Patres Societatis, Aulae suæ Ministri, pro suo libitu dispensatores fuerunt. Et post mortem, totam Ducalem, & Palatinalem mobilem substantiam, vigore donationis, siue legati, ad se traxerunt. 109.

Tantarum opum, & immensarum largitionum profusio, doceri volo, an non mereretur gratitudinem, ne hic fons excessiuae liberalitatis exhauriretur, per foundationem tertij Collegij, siue domus, cum prouentu annuo viginti mil-



ii millium florenorum, in qua Domo, Socij, tertij anni probationem exercentes, sua gauderent commoditate: Cum tamen illud magis respicere debuerint, quod illis S. Ignatius his verbis præscripsit:

112. *Qui Societatem sequi velit, sui victus, potus, vestitus, & lectirationem, sibi persua-deat fore ut pauperibus accommo-datam, in quibus habenda erit semper ratio humilitatis, pau-pertatis, ac spiritualis ædificationis, quod semper nobis in Do-mino ob oculos versari debet. Ideo quæ vilissima erant, ex ijs, quæ domi sunt, ei tribuentur propter ipsius maiorem abnega-tionem, & spiritualem profectum, & ut ad quandam æqua-litatem, & veluti mensuram ab omnibus perueniatur. Cum,*
113. *enim qui primi in Societatem conuenerunt, per huiusmodi in-digentiam, ac penuriam maiorem rerum corpori necessaria-rum probati fuerint; qui post eos accedent, curare debent, ut quoad poterunt, eò pertingant, quò illi peruenierunt, & ulte-rius etiam in Domino progrediantur. Exam. Gen. c. 4. §. 26. & Constitur. par. 6. c. 2. §. 14.*

Et sic tertij anni probatio, ad Exemplum primorum Sociorum conformata, bonorum stabilium capax fieri non potuit, quia & primi Socij, vigore sui primi instituti, illo-rum capaces non fuerunt.

## An Societas ad Scholas applicata, volu- erit esse grauis Reipub:

114. *Propter applicationem ad tractanda studia literarum Societas dispensata, ut aliquos introitus possideret, talem sibi fecit Constitutionem: In ijs Collegijs, quæ duodecim,*  
scho-



*scholasticos ex propriis redditibus alere possunt, ob maiorem Populi edificationem, nec petantur eleemosyna, nec illa, aut dona ulla oblata admittantur. Si redditus minores fuerint, quam huic numero alendosufficiant, admitti quidem, non autem peti aliqua eleemosyna possent, nisi tanta paupertate Collegium premeretur, ut etiam petere, saltem à quibusdam esset necessarium. Constit. par. 4. c. 2. §. 6.*

Adest Declaratio huic Constitutioni contraria, quæ 115.  
Socios multiplicari permittit, usq; in infinitum; sed hæc Religiosis hominibus non est attendenda, quia S. Ignatius omnia primo spiritui fundatorum contraria, ab hoste naturæ humanæ proficisci declaravit. Ut supra n. 79. Et sic Collegia duodecim personarum, non poterant esse graua, & onerosa Reipub.

Quos sumptus Societas requirat, pro  
una persona, sine dāmo Rei-  
publicæ.

Ita de his sumptibus loquitur Palauicinus, prout se- 116.  
quitur: Deinceps sicut erat propositum, dicamus super eo Rei-  
publ. detrimento, quod nobis vehementer obiectant: Sed ve-  
rè quid absurdius, quàm Reipub. iacturam vocare, si adolescen-  
tes, indole præclari, eam vitam perpetuò amplexentur, non ali-  
am admittentes mercedem, quàm Cibaria? Qualia verò Ciba-  
ria? Dicam rem, non tantum nobis omnibus, sed & exter- 117.  
nis Religiosorum Ordinum curatoribus; quin & quibuscunq;  
nos paulo interius callentibus, notissimam. Quicquid no-  
strum



*strum singulis alendis, vestiendis infumitur. Septuagena quot annis scuta Roma non excedit, quæ nec vilissimo quidem circumpedi nutriendo immodica viderentur. Quam ergo mendose disputant, qui nos, tanquam compendio nostro studentes, & Reipubl. noxios accusant. Vindicat. Soc. cap. 14. folio 82.*

118. Et alio loco idem Palauicinus ita loquitur: *Vt enim aliàs ostendi, utq; in omnium oculis est, nibilo sumptiosior ulli ex nostris, quam despiciatissimo cuiq; circumpedi, ducitur vita quando Romæ (hinc facilis est coniectura ad alias vrbes) ubi profecto nec annona, nec vestium vilitas, sena scuta menstrua, nostrorum singulis abunde sufficiunt. Vindicat. Soc. cap. 49. fol. 381.*

119. Summæ gratiæ agendæ sunt Vindicationibus Societatis, quod hæc nobis ignorantibus explicauerint. Faciamus calculum, quanta summa pro duodecim scholasticis, in vno Collegio sustentandis proueniat. Septuaginta scuta duodecies computando, faciunt octingenta, quadraginta scuta, hæc reducendo ad monetam Poloniæ, non ascendunt ad integram summam trium millium florenorum Polonicalium. Quod pro uno Collegio sufficere Palauicinus his verbis asserit: *Sic ego, sic mecum sentiunt præcipui Societatis moderatores, qui nullum patiuntur Collegium superuacuis vectigalibus opimum. Vindicat. Soc. eodem. c. 49. fol. 383.*

120. Nos verò ne videamur tam exacti & rigorosi calculatores, addamus adhuc alteram similem summam pro vno eodemq; Collegio, ut habeat annui prouentus integra sex millia florenorum Polonicalium, ut seruiant pro fabrica con-



ca conseruanda, Ecclesiæ & Collegij, & operariorum au-  
ctione. 35

Ita sex millibus florenorum assignatis pro Collegio 121.  
Jaroslauienti; sex millibus pro Collegio Ostrogienti; sex  
millibus ( in quantum aliter fieri non poterit ) pro noua  
domo, tertij anni probationem exercentibus. Sic ratio  
dictat; gratitudo requirit; discretio suadet, vt retento  
eo, quod est sustentationi trium Collegiorum suffici-  
ens, reliquum, quod est superfluum, Hæredibus resti-  
tuatur.

Annua Septuaginta scuta pro vnus personæ sustentati- 122.  
one exponenda, non opus est, ad vnus circumpedis pro-  
uisionem mensurare, aut ponderare. Tali stipendio vi-  
uunt Cauallieri di Malta, antequam ad aliquas commen-  
das peruenerint, quibus Religio, Malta residentibus, non  
amplius quam sex scuta argenti in mensem numerat. Pro-  
fessores Academia Cracouiensis multi sunt, qui minori 123.  
prouisione contenti, in Cathedra pro bono publico labo-  
rando, gloriam suæ Vniuersitati conciliant.

Molesta erit Patribus Societatis hæc computatio, qui- 124.  
bus in Ciuitate Plocensi, vbi iam antea Collegium funda-  
tum erat, quidam benefactor, pro erigendo cursu Philoso-  
phico, & nobili iuuentuti eiusdem Palatinatus Plocensis  
prælegendo, dedit oppidum Nadarsyn cum aliquot villis  
adiacentibus, annui prouentus decem millium floreno-  
rum Polonicalium. Profecto si pro quolibet Professore 125.  
Philosophiæ Nadarzynum requiratur; Respubl. Po-  
lona vix inueniet tot oppida, quæ tam pretiosis Magi-  
stris sufficiant. Quibus illud Poeticum adaptare  
liceat:



Si quoties capiunt Socij, sua prædia donet  
Iuppiter; exiguo tempore, pauper erit.

126. Ipsi Ethnici Romani totius Orbis terrarum domini,  
suis Philosophis, paupertatem professis, tantam abundan-  
tiam non permittebant, quorum vnum Seneca ita repre-  
hendit: *Est intolerabilis res, poscere nummos, & contemnere,  
indixisti pecuniæ odium, hoc professus es; hanc personam in-  
duisti; agenda est: Iniquissimum est, te sub gloria egestatis,  
diuitias acquirere.* Seneca de Beneficiis, quo loco, non  
recordor. Crates ille Thebanus, homo quondam dirissi-  
mus, cum ad philosophandum, Athenas pergeret, ma-  
gnum auri pondus abiecit; neq; putauit, se simul posse,  
& virtutes, & diuitias possidere. 12. quæst. 2. cap. Gloriam  
Episcopi.

An Canonicus hæc scribere potuerit,  
facta submissione Romæ, se non  
scripturum?

127. Quæ vi, metusue causâ fiunt, Jus Canonicum pro in-  
fectis habere vult. Ingens illa vis fuit, quæ me, causam  
occupatæ hæreditatis Jaroslauiensis Romæ in Jesuitis vin-  
dicare volentem, in carcerem Turris nonæ, sine vllò pro-  
cessu detrusit, in eoq; per integros Sex menses detinuit,  
Privilegio Romipetarum non obstante. Egresso ex illo  
carcere, vis eadem non cessauit, quando homini libero in-  
terdictum fuit, ne ab vrbe discederet, antequam cum Je-  
suitis concordaret.

Inde:



37

Inde subsecutus duplex metus: Primus ne Canonici- 128.  
cus diuturniori in Vrbe commoratione, iam sumptibus ex-  
haustus, ad egestatem deueniret; hostibus Patriam occu-  
pantibus, omni spe subsidij pecuniarij destitutus. Alter  
metus fuit pestis Neapolitanæ, quæ vltimis diebus Maji, in  
Anno 1656. Romæ iam periculosè imminebat, ne illa pe-  
stifera contagione infectus, ibidem occumberet. Opor-  
tuit ergo scripturam à Patribus Societatis porrectam sub-  
scribere: vt pericula mihi imminetia per discessum ab  
Vrbe liceret euitare.

Hæc talis scriptura, qualis sit momenti, declarat Ale- 129.  
xander Papa, omnibus Orthodoxis ita scribens: *Si quan-  
dog. à Sacerdotibus, quadam scriptura quoquo modo per me-  
tum; aut fraudem; aut per vim extorta fuerint; vel vt se  
liberare possint; quocumq. ab eis conscriptæ, aut roborata fue-  
rint ingenio, ad nullum eis præiudicium, vel nocumentum va-  
lere censemus: neq. ullam eos infamiam, vel calumniam, aut  
à suis sequestrationem Bonis, vnquam Deo authore, & sanctis  
Apostolis, eorumque successoribus, sustinere permittimus.*  
Est etiam ad hanc sedem perlatum (quod pudet dicere, & non- 130.  
solum sacerdotali, sed etiam omni Christiano nomini est inimi-  
cum,) quod nonnulli, Sacerdotes aut metu compellunt, aut  
vi extorquent, aut fraude decipiunt, aliquas confessionis suæ  
in alteram partem, quàm debeant, literas scribere, aut pro sua-  
rum non requisitione causarum, aut (quod deterius est) pro  
alieni erroris Sectæ scripturas facere, & propriis manibus ro-  
borare, & comm. populis recitare, atq. confiteri. Aliquos 131.  
ducunt carceribus & ergastulis retrudi, vt saltem hi sterri-  
insidijs, deuiant Domini sacerdotes, & suis faueant volun-  
tatis. 15. q. 6. c. 1.



132. Hæc sufficerent ad inuolidandam extortam à me his artibus scripturam : Sed & promissis satisfeci ; quia nihil de nouo scripsi, quod iam antea non scripserim, & coram Eminen<sup>mo</sup> Cardinali Raggio, Mediatore ad concordiam, ab Alexandro Papa vij. deputato, iam non disputauerim. Promisi me nihil scripturum contra Institutum & Constitutiones S. Ignatij, satisfeci promisso : quia in ejus laudem omnia scripsi : Quicquid ille ab hoste naturæ humanæ proficisci iudicauit, hæc ego tanquam à patre mendacij suggesta, non potui approbare, imò fide Catholica obstrictus, debui refutare.

133. Scripsi pro veritate bonæ vitæ, quæ adeo est priuilegiata, ut eam quilibet homo Catholicus popalare, promouere, & defendere sit obligatus, sub peccato mortali ; non obstante humano interdicto : Quod S. Augustinus ita docet : *Quisquis metu cuiuslibet Potestatis veritatem occultat ; iram Dei super se prouocat, quia magis timet hominem, quàm Deum. Vterq<sup>ue</sup> Reus est, & qui mendacium dicit ; & qui veritatem occultat : quia & iste prodesse non vult ; & ille nocere desiderat.* 11. q. 3. c. 80.

An hæc, quæ scripsit Canonicus pro Veritate, tacere debuerit, propter scandalum ?

134. Bene præuideram inter Patres Soc. Polonæ scandalum ex meis scriptis, nasci debuisse : Sed sciens, quod scandalum utiliùs nasci permittatur, quàm Veritas relinquatur, DeRe-



39

De Regul. Jur. c. 3. ideo postposito omni odio, & contemptis persecutionibus, quoniam *melius est, pro veritate pati supplicium, quam pro adulatione recipere Beneficium*; ad scribendum me applicavi, pro veritate bonæ vitæ, quæ nunquam omitti debet, & unusquisque ad eam propalandam tenetur. Prout asserit glossa. V. Veritas. De Regul. Jur. cap. 3. Eteadem glossa. c. Nisi. V. Distinguendum. De Renunc.

In tali casu, quomodo se gerere debeant scandalisati, 135. Gregorius Papa Palladium Episcopum ita docet: *Inter verba laudantium, siue vituperantium, ad mentem semper recurrendum est; & si in ea non inuenitur Bonum, quod de nobis dicitur, magnam tristitiam generare debet: Et rursum, si in ea non inuenitur malum, quod de nobis homines loquuntur, in magnam debemus letitiam prosilire. Quid enim, si homines laudent, & conscientia nos accuset? aut quæ debet esse tristitia, si omnes accusent, & sola conscientia liberos nos esse demonstret? Habemus Paulum dicentem ( gloria nostra hæc 136. est, testimonium conscientie nostræ ) Job quoque dicit ( Ecce in cælo testis meus ) si ergo nobis est testis in cælo, testis in corde; dimittamus stultos foris loqui, quod volunt. Nihilominus idem S. doctor censet, vocandos esse scandalisatos, & tranquillè admonendos, eisque modis omnibus satisfieri debere: Scientes quod de Judæis Veritas dixit: *Ne forte scandalisemus eos.**

Authoritate tanti doctoris permotus, scandalisatæ Societati Polonæ constitui dare omnes satisfactiones.

Satis-



## Satisfactio Prima.

137. Hæc satisfactio prima, desumitur ex Euangelio : *Nihil est opertum, quod non reueletur ; Nihil occultum, quod non sciatur ;* Matth. cap. 10. Proinde cum Societas Jesu, id est, vita & morum Saluatoris nostri imitatrix, à primo Instituto S. Ignatij deuariat, & aliud in Bulla Julij iij. incipiente, Exposcit, contentum, & nescitur à quo, declaratum, ad normam viuendi sibi elegerit ; & postea primæ suæ ad tractanda studia literarum applicationis leges sacrosanctas deseruerit ; contrarijsq; omnibus quasi ab ipso S. Ignatio declaratis, gubernari cœperit ; in eo statu, iam ultra quinquaginta annos perseverans ; hoc tam diuturnum secretum, & arcanum quod nunc per me sit reuelatum, moderna Societas moleste ferre non debet : Quandoquidem Deus ita ordinauit ; *ut nihil sic occultum, quod non sciatur.* Matth. cap. 10.

## Secunda Satisfactio.

138. De tali Secretorum reuelatione, cum mihi Actio iudicaria, à Societate intentanda, promittatur ; in hoc casu, paratam sententiam adduco, quæ scripta est in Euangelio, his verbis : *Judicium autem hoc est : Quia lux venit in mundum ; & homines magis dilexerunt tenebras, quàm lucem, erant enim eorum mala opera. Omnis enim qui male agit, odit lucem ; & non venit ad lucem, ne arguantur opera eius. Qui autem facit veritatem, venit ad lucem, ut manifestentur opera eius, quia in Deo sunt facta.* Joan. cap. 3.

Et in



41

Et in alio loco Veritas dicit : *Sint lucerne ardentes in* 139.  
*manibus vestris.* Quod S. Gregorius Papa ita interpreta-  
tur; *Lucernas quippe ardentes in manibus tenemus, cum per*  
*bona opera, proximis nostris lucis exempla monstramus.* De  
quibus profecto operibus Dominus dicit; *Luceat lux ve-*  
*stra coram hominibus, ut videant opera vestra bona, & glorifi-*  
*cent Patrem vestrum, qui in cælis est.* Gregor. Homil. 13. in  
Euangelia.

Et sic Euangelium requirit in operibus humanis, non 140.  
tenebras, sed lucem manifestam. Quod quia hîcce meis  
scriptis, ego Societati modernæ deduxi authenticis docu-  
mentis, contra illius minas, & indignationes, Euangelica  
lectio erit mihi salus & protectio.

### Tertia Satisfactio.

Arguebatur S. Ignatius à nonnullis, quod talem Soci- 141.  
etatem fundauerit, qualis nunc displicet multis; partim  
quia hæreditates Patriciorum ad se trahit; partim quia in  
negotijs status se immiscet; partim quia lites continuas  
de alienis bonis, quorum non est capax, fouet, & exercet.  
Ideo S. Ignatium ab hac mala reputatione vindicare oportuit,  
demonstrando, qualem ille Societatem fundauerit, &  
qualis nunc reperiatur.

### Quarta Satisfactio.

Quia sæpius auditum est, exprobrasse Socios alijs Re- 142.  
ligiosis familijs, quod fere omnes à suis primitiuis Regulis  
defe-

F



defecerint, sola Societas in puritate sui primi Instituti hucusque permanserit. Quæ audax præsumptio refellitur verbis S. Evangelij: *Amici in oculis fratrum vestrorum festinam vidistis, in oculis autem vestris trabem non consideratis.*

143. Alij enim Religiosi imbecillitatem suam confessi, circa rigorem suæ primæ Regulæ, moderationem à Summis Pontificibus obtinuerunt. Societas verò omnia priuata auctoritate reformauit, & immutauit. Et quòd peius est, artes aliorum in hoc negotio conficiendo, ipsi S. Ignatio imputauit.

### Quinta Satisfactio.

144. Multæ Prouinciæ Ultramontanæ Societatis, postquam vidissent duplex Exemplar Constitutionum sibi inuicem contradicentium, scire desiderabant Veritatem Constitutionum S. Ignatij, quæ Authographo Hispanico, quasi manu eius conscripto, deceptæ sunt; asscuratæ primas Constitutiones ab illo Autographo Hispanico penitus discrepare, posteriores verò, in omnibus punctis, de verbo ad verbum conuenire.

145. Hæ sunt satisfactiones, omiſſis alijs pluribus, datæ Societati Polonæ, quibus si non erit contenta, audiat Conclusionem S. Gregorij Papæ, qui ita loquitur: *Si autem satisfieri sibi ex Veritate noluerint, habes consolationem, quam in Sancto Euangelio conspicias: Cum enim Domino dictum fuisset, (scis quia Pharisei audito verbo hoc scandalisati sunt) respondit, Sinite illos, quia cæci sunt, & duces cæcorum. c. Inter verba laudantium & vituperantium. c. 11. q. 3. c. 55.*

An So-



An Societas de Scriptis Canonici possit  
lamentari, & operari, vt gladio  
spirituali feriatur?

Turpe est, apud homines bellicosos, prouocanti ad <sup>146.</sup>  
Certamen, inde susceptum vulnus, & remanentem in facie  
cicatricem deplorare, & pro vindicta ad Iudicem sibi fa-  
uorabilem appellare. Verba prouocantis Societatis ad  
certamen, cum publica protestatione, hæc sunt:

*Innocentia diem sibi dici, adeo non reformidat, vt petat; <sup>147.</sup>  
eag, bonus veluti gladius, dum pugnat, tum clariùs micat. Non  
id voti nobis est, vt aduersantium criminationes sprete exole-  
scant, audiantur potiùs, legantur, expendantur, & conferan-  
tur cum vindicationibus nostris: Nullam hinc Societati verè  
mur fama iacturam, nisi apud Homunciones nescio quos, qui-  
bus pro eodem sit, non esse immunem ab accusatione, atq; à cul-  
pa: cum tamen quicunque sapiunt, & quorum duntaxat a-  
ssimatio & in pretio esse debet, & rationibus venalis sit,  
probe norint, Homines ceu marinas aquas, non aliter nullo  
flatu percelli, quam si non emineant, vnumque atque idem,  
esse, in tranquillo, atq; in profundo manere. Vindicat, Soc.  
cap. 2. fol. 8.*

Aduersariorum verò suorum, eadem Vindicationes <sup>148.</sup>  
talem faciunt delectum: *Dua nobis sunt obrectatorum,  
Classes: Prima est illa, quæ singularia quædam crimina, cer-  
tis nostrorum personis, designatisq; temporibus, ac locis, im-  
properat: Et hos refellere non curamus. Alij sunt, qui Re-  
gulas; Instituta; & Consuetudines nostras vniuersè impu-  
gnant*



gnant, contra quos doctissimus Palauicinus, egregius propugnator Societatis, ita se preparat, & declarat, quod postposito omni odio, mansuetè velit pugnare, idq; protestatur his verbis, quæ sequuntur:

149. Hanc ego alteram accusatorum cohortem repellere aggredior: sed ita repellere, ut celebre illud inculcata defensionis moderamen, à iure præscriptum, quàm religiosissimè seruem. Statutum mihi est, nos tutari, neminem carpere, ne dissimulanter quidem: ad summum Clypeo licet depugnare, non gladio. Hanc enim lenitatem & Christiana charitatis doctrina mihi suadet, & scilicet magnanimum quoddam vindicationis consilium, à timore ac sordibus remotissimum. Fa-

150. teor enim, puderet me Ordinis, in quo versor, & quem gratus iam & diu meditatus elegi, si is ille sit, qui illaudatum se metuat, nisi alijs sint illaudabiles; siq; innocentiam suam comprobare se non speret, nisi nocentes fecerit accusatores. Vindicat, Soc. c. 2. fol. 6. & 7.

151. Hac generosa mentis publica contestatio an pude-  
re non afficiat Polonam Societatem, quæ abiecto Clypeo, ex arena decedens, Magnatum, & Prælatorum, sui amantium, opem, & auxilium implorat, ut nulla mecum lite contestatâ, probatione alicuius delicti non præmissâ, contra me non citatum, non confessum, non conuictum, gladium spiritualem exercere, & fulmine Excommunicationis me ferire possit, hoc supplicat, sollicitat, & laborat. Sed apud prudentes Iudices, qui sciunt, sine legitimo Juris ordine hæc fieri non posse, talis importuna instantia locum non habet.

152. Non ita Palauicinus publico nomine totius Societatis, Romæ pro suis Generalibus Comitij congregatæ, promissu



misit, & typis impressit, quod iterum imponendo finem, suis Vindicationibus ita commemorat: *Multa silentio transimus, ne nostra hæc Societatis tuitio, hostili unquam vulnere fœdaretur, quamobrem non ea visum est deligere arma, quæ ad victoriam præualida, nisi eadem ad prælium incruenta.* Vindicat. Soc. c. ultimo. fol. ultimo.

Quod verbis asseruerunt Vindicationes Societatis, re ipsa præstiterunt, quia ita videmus compositas, ut contra Julium Scotum gladium spiritualem vibrari, aut Excommunicationem fulminari, nec optauerint, nec postulauerint.

Hoc Romanum vniuersæ Societatis mansuetum Exemplum, opus est ut Polona Societas imitetur, & se ad veritatem Bonæ Vitæ reduci non lachrymetur, sed lateatur. Ad cuius amorem & desiderium ut effi. acius promoueri, & sibi persuaderi patiatur, repeto verba S. Ignatii: *Cum autem experti fuerimus iucundiores, puriores, & ad proximi adificationem aptiores esse vitam ab omni avaritia contagione quàm remotissimam, & Evangelica paupertati quàm simillimam; cumq; sciamus Dominum nostrum Jesum Christum, servis suis Regnum Dei solum inquirentibus, necessaria ad victum & vestitum esse subministraturum, voueant singuli & vniuersi, perpetuam paupertatem: Declarantes, quod non solum priuatim, sed neq; etiam communiter possint, pro Societatis sustentatione, aut usu, ad bona aliqua stabilia, aut ad prouentus, seu introitus aliquos, Jus aliquod Civile acquirere; sed sint contenti, usum tantum rerum, ad necessaria sibi comparanda, recipere.* Ita loquitur Institutum primum S. 10. quod continetur in Bulla Pauli Papæ iij. incipiente.



piante, Regimini. Cuius Iustituti Societas quotannis festum celebrat quinto Calend. Septembris.

## An Canonicus hæc scribendo charitatem non vulnerauerit?

157. Vetus dictum est, *meliora esse vulnera vera dicentis inimici, quam oscula blandientis amici.* Hæc meliora Societas moderna non admittit; laudes appetit; & non vulnera, sed oscula sibi deberi, existimat, præcepto dilectionis, & charitatis erga proximum, meritisque suis præsumptuosa.

158. Hanc opinionem S. Augustinus ita refellit: *Ne putet tunc te amare proximum tuum, quando cum non corripis. Non est ista charitas, sed languor: Ferueat charitas ad corrigendum, ad emendandum. Si sunt boni mores, delectentur: si sunt mali, emendentur.* 23. q. 5. c. 36.

159. Eodem sensu loquitur S. Gregorius in suis moralibus: *Sanctus vir, sicut mala de bonis non estimat; ita indicare bene de malis recusat, dicens: Absit à me, ut iustos vos indicem; donec desciam, non recedam ab innocentia mea.* c. sunt nonnulli, distin. 46.

160. Quod sit officium huius innocentia, S. Augustinus ita declarat: *Sicut non est beneficentia, adiuuando efficere, ut bonum, quod maius est, omittatur; ita non est innocentia, parcendo sinere, ut in malum grauius incidatur.* Pertinet ergo ad innocentis officium, non solum nemini malum inferre, sed etiam à peccato cohibere. *Qui enim vitijs nutriendis parcat & fauet, ne contristet peccantium voluntatem, tam non est mi-*



*est misericors, quàm qui non vult cultrum rapere puero, ne audiat plorantem, & non timet, ne vulneratum doleat, vel extintum. 23. q. 5. c. 37. & 38.*

Hæc dicta Ecclesiæ doctorum applicando ad meam scripturam, aliquid amplius, quàm scripserim, mihi licuisse, prudens Lector animaduertet; iuxta illud Apostoli: *Argue; obsecra; increpa.* Et mandatum expressum Anacleti Papæ: *Tam sacerdotes, quàm reliqui fideles, omnes summam curam habere debent, de his, qui pereunt, quatenus eorum redargutione, aut corrigantur à peccatis, aut si incorrigibiles apparuerint, ab Ecclesia separentur. 14. quæst. 3. cap. 14.*

Cum verò didicerim, modernam Societatem non esse peccaminosam, ut supra n. 88. non ausus sum aliquid arguere, aut corrigere. Quid Instituta, Constitutiones, Decreta, & Historiæ Societatis pro veritate bonæ viræ loquantur, quod fideliter excerpterim, & allegauerim, non credo, me ideo aliquid contra charitatem proximi exorbitasse.

Objiciet aliquis, fecisti tanquam inimicus, ad vindictam; odio flagras, & amorem profiteris. Ad hæc respondet pro me S. Augustinus: *Ea vindicta, quæ valet ad correctionem, non prohibetur. Ex quo satis apparet, posse peccatum amore potius vindicari, quàm impunitum relinqui; ut illum, in quem vindicat, non pœnam miserum, sed correctione beatum esse velit: paratus tamen, si opus sit, a quo animo plura tolerare ab eo illata, quem vult esse correctum, siue in eum habeat potestatem coercendi, siue non habeat. 23. q. 4. c.* Ea vindicta. Et sic Canonicus, ita faciens, à dilectione Societatis, excludi non potest.



An Canonicus terreri possit fulmine  
Excommunicationis, quod modernæ  
Societati veritatem bonæ vitæ  
demonstrauerit.

166. Inter opera charitatis censetur illud factum, quando aliquis videns peregrinum, per campos, & sylvas errantem, viam illi demonstrat, per quam ad locum sibi destinatum peruenire possit. Maioris meriti credo esse, cum aliquis optimè perspexerit, homines à via spirituali, id est, religiosa, & vel maximè Societatis Jesu, aberrantes, velit illis veritatem bonæ vitæ, seu vitæ iuxta præscriptum S. Ignatii, ad oculum demonstrare.
167. Quo facto, ut ideo gladius spiritualis cervicem Scriptoris ferire debeat, hoc apud me est Paradoxum, euacuans in me, omnem à philosophia scholastica subordinatum timorem.
168. Præsto mihi sunt, & ictui Philosophico clypeum opponunt Sacri Canones. In primis Concilium Meldense ita statuit: *Nemo Episcoporum quemlibet, sine certa, & manifestata peccati causa, communionem priuet Ecclesiastica. Sub Anathemate autem nullum præsumat ponere, nisi unde Canonica docet Auctoritas.* II. q. 3. c. 41.
169. Idem Concilium Aruernense ordinavit: *Nullus Sacerdotum quenquam rectæ fidei hominem, pro parvis, & leuibus causis, à communionem suspendat, præter eas culpas, pro quibus antiqui Patres, arceri ab Ecclesia iusserunt committentes.* II. q. 3. cap. 42. Et in his statutis, omnia  
recen-



recentiora Concilia conueniunt, quæ cum mihi non sint ad manum, ideo non allegantur.

His pro fundamento positis; doceri volo primo: 170.  
quæ culpa sit, demonstrare veritatem bonæ vitæ, ex legitimis, & authenticis documentis excerptam? Si culpa aliqua esset, utiq; Jus Canonicum non præscripsisset Regulam: *Quod utilius scandalum nasci permittatur, quam vt veritas relinquatur.* Quod vel maximè procedere in veritate bonæ vitæ, docet glossa. V. Veritas. De Regul. Jur. cap. 3. & eadem glossa c. Nisi. V. Distinguendum. De Renunciat.

Secundo doceri volo; quod crimen esse possit, distinguere Societatem in tres classes, iuxta triplices eiusdem Constitutiones, vt scire possimus, cuiam laudes, cuiam vituperia conueniant à Vindicationibus Societatis, c. 1. fol. 1. commemorata.

Si culpa est, ita distinguere Societatem; quare D. Hieronymus ipsum genus humanum in triplicem statum diuisit? Distinct. 35. cap. 2. quare Philosophia, Theologia, & ipsum Jus Canonicum distinctionibus vtuntur? Nempe vt res, de qua controuersia oritur, aut disputatio agitur, facilius intelligatur, & ad concordiam differentiarum disponatur, & accommodetur.

Ratio ergo dicat, nullum esse crimen, tam in demonstratione veritatis bonæ vitæ; quam in distinctione Societatis in tres partes: Consequens est, vt hæc scribens, nulla possit affici Censura, Quod ipsi Poetæ Ethnici ita sentiunt;



*Integer vita, scelerisq; purus,  
Non eget Mauri iaculis, neq; arcu.  
Nec venenatis grauida sagittis  
Fusce faretur.*

174. Quo non obstante, Prælati aliqui, in gratiam Societatis, cuius beneuolentia multum illi ad omnes suas intentiones prodesse possit, fulminabit Excommunicatione in scriptorem innocentem, ut illi terrorem incutiat, & eum compellat ad aliquam inconuenientem satisfactionem, vigore illius decantatæ apud Casistas opinionis: *Excommunicatio, siue iusta, siue iniusta, timenda est.*
175. Hanc opinionem Jus Canonicum ita distinguit: *Iusta excommunicatio timenda est promerenti: Iniusta timenda est proferenti.* Quod iniusta Excommunicatio sit timenda proferenti, declarat Jus Canonicum his verbis: *Non in perpetuum damnamur, cum iniuste iudicamur: dicente Psalmo; (Nec damnabit illum, cum iudicabitur illi.) Multi Sacerdotum, culpam zelo Dei se prosequi profitentur: sed dum indiscretè hoc agunt, Sacrilegij facinus incurrunt: & dum precipites quasi ad emendandum ruunt, ipsi quoq; multò deterius cadunt.* 24. q. 3. c. 5. & 11. q. 3. c. Temerarium, quod est in ordine. 49.
176. Quod verò iniusta Excommunicatio non sit timenda non promerenti, Melchiades Papa ita declarat: *Cui illata est sententia: deponat errorem, & vacua est; sed si iniusta est, tantò eam curare non debet, quantò apud Deum, & Ecclesiam eius, neminem potest iniqua grauare sententia.*



*tia. Ita ergo ab ea se absolui non desideret, quâ se nullatenus  
perspicit obligatum. II, q. 3. c. 46.*

Concludo meum discursum, verbis S. Pauli: *Data* 177.  
*est nobis potestas; sed in adificationem, non in destructionem. Non enim possumus aliquid aduersus veritatem, sed  
pro veritate. Et sic sublata nube malè usurpatæ potesta-*  
*tis, non video, vnde fulmen Excommunicationis nasci,*  
*& vibrari possit, contra demonstratam veritatem. Quam*  
*ipsi Ethnicî Romani, cum non possent omnibus tormen-*  
*tis, etiam in sexu fragili, superare, eam inuincibilem esse,*  
*agnouerunt.*

Si quid ampliùs ingenium humanum apud superio- 178.  
res Ecclesiasticos contra scriptorem veritatis bonæ vitæ di-  
sputare, aut clandestinè moliri voluerint, sciant pro eo le-  
gem Canonicam militare, quæ incipit, *Nolite timere.*  
II. quæst. 3. cap. 68.

## Doctrina S. Gregorij Papæ pro euitan- da Excommunicatione.

*Quisquis veraciter loquitur, semetipsum innotescere, 179.*  
*non debet formidare; oportet ut publicè exeat, & quæcunque*  
*in contestatione sua loqui præsumpsit, ostendat. Si enim in*  
*eadem Ciuitate, egressus ad publicum, potuerit docere, quæ*  
*dixit, vel certè sciens se non posse, quæ scripsit, ostendere, erro-*  
*rem suum fuerit aperte confessus, Dominici corporis ac san-*  
*guinis participatione non sit priuatus, neq; à corpore S. Ecclesia*  
*alienus existat. 5. q. 1. c. 2.*

Huic



Huic Constitutioni S. Gregorij ego satisfacio. Quic-  
 quid pro Veritate Bonæ Vitæ in hoc libello scripsi, fialle-  
 gationibus fideliter indicatis fides non dabitur, in ipsis  
 fontibus ostendere volo ; & si quem errorem commisi,  
 publicè illum confiteri sum paratus. In quorum fidem  
 me subscribo, Varmia in Visitatione Capitulari  
 existens, primis diebus Julij, Anno

1679.

Joannes Markiewicz, J V.D.

Cracouiensis, Varmiensis Canonicus,

Præpositus Tarnouiensis,





